



Broj: 128-6/2015
Datum: 20.06.2015.

Na osnovu člana 68 stav 1 Zakona o visokom obrazovanju u Brčko distriktu, i na osnovu članova 171. pod b) alineja 6 Statuta Univerziteta, Senat na sjednici održanoj 20.06.2015. godine donosi

PRAVILA O IZMJENAMA PRAVILA STUDIRANJA NA II CIKLUSU STUDIJA

Član 1.

U članu 5 stav 4 riječi "iz ovog Statuta" se mijenjaju i glase "iz Statuta Univerziteta".

Član 2.

Član 34. mijenja se i glasi:

„Kandidat može da prijavi prijedlog teme magistarske teze, kao i da predloži mentora, nakon što upiše ljetni semestar.

Prijedlog za imenovanje mentora i/ili komentora daje kandidat nakon konsultacija sa predmetnim nastavnikom.

Ukoliko kandidat nije zadovoljan izborom mentora/komentora ili ukoliko nema mogućnosti da se između kandidata i mentora ostvari uspješna saradnja, kandidat ima pravo da se obrati Naučnonastavnom vijeću sa zahtjevom da se promijeni mentor

Kandidat prijavljuje prijedlog naziva teme magistarske teze i predlaže mentora na obrascu PMT, koji je sastavni dio ovih pravila.

Uz prijavu iz stava 2 ovog člana, kandidat podnosi i obrazloženje teme, a koje sadrži sljedeće podatke, i to:

- ime i prezime kandidata sa biografijom;
- prijedlog naziva teme magistarskog rada;
- obrazloženje prijedloga teme koje sadrži opis naučnog problema koji je predmet istraživanja, opis ciljeva koji se žele postići, prikaz postojećih teorijskih shvatanja o predmetu istraživanja, hipoteze koja se istraživanjem provjerava, metodologiju istraživanja koja će se primjenjivati i spisak literature i izvora koji će se koristiti, i
- spisak naučnih i stručnih radova koje je kandidat objavio.“

Član 3.

Član 35 mijenja se i glasi:

„Prijavu prijedloga teme magistarskog rada razmatra Naučnonastavno vijeće.

Povodom prijave prijedloga teme magistarskog rada Naučnonastavno vijeće formira komisiju za ocjenu podobnosti teme i kandidata i imenuje mentora.

Komisija iz stava 2 ovog člana je u obavezi da Naučnonastavnom vijeću podnese izvještaj o ocjeni podobnosti teme i kandidata u roku od 15 dana.

Po usvajanju pozitivnog izvještaja iz stava 3 ovog člana od strane Naučnonastavnog vijeća, kandidat pristupa istraživanju teme i izradi rada.“

Član 4.

Član 36 mijenja se i glasi:

„Kandidat predaje izrađeni magistarski rad mentoru.

Mentor obavještava Naučnonastavno vijeće da je kandidat okončao rad na izradi magistarskog rada.

Po dobijanju obavještenja mentora iz stava 2 ovog člana, Naučnonastavno vijeće formira komisiju za ocjenu i javnu odbranu magistarske teze od tri člana.

Komisija iz stava 3 ovog člana je dužna da Naučnonastavnom vijeću podnese izvještaj o ocjeni rada u roku od 30 dana od dana preuzimanja magistarske teze.

Naučnonastavno vijeće usvaja izvještaj komisije o ocjeni magistarske teze.“

Član 5.

Član 37 mijenja se i glasi:

„Nakon usvajanja izvještaja o ocjeni rada, magistarska teza, zajedno sa izvještajem komisije, stavlja se na uvid javnosti u trajanju od najmanje 15 dana uz objavljivanje na sajtu Univerziteta da se može pročitati u biblioteci.

Datum i vrijeme javne odbrane određuje se rješenjem dekana za magistarsku tezu.“

Član 6.

Član 38 mijenja se i glasi:

„Na javnoj odbrani magistarske teze kandidat obrazlaže rezultate istraživanja i brani zaključke do kojih je došao.

Predsjednik komisije otvara zasijedanje i saopštava biografske podatke o kandidatu, podatke o njegovom ranijem naučnom radu, kao i podatke o ispunjenosti uslova za odbranu teze.

Kandidat izlaže usmeno predmet i metod svog istraživanja, saopštava glavne naučne rezultate svog rada i daje odgovore i komentare na postavljena pitanja i osvrt članova komisije i prisutnih lica.

Nakon završne riječi kandidata, komisija se povlači na vijećanje i donošenje odluke o rezultatu odbrane.

Na vijećanju komisija, bez prisustva drugih lica, donosi odluku da li je kandidat odbranio tezu, a zatim javno saopštava odluku.

Odluka komisije može da glasi „nije odbranio“, „odbranio većinom glasova“, „odbranio jednoglasno“, ili „odbranio sa odlikom“.

U toku odbrane teze vodi se zapisnik koji potpisuju članovi komisije.“

Član 7.

Na obrascu UL, koji je sastavni dio ovih pravila, u prvom redu druge tabele pod rednim brojem 5) mijenja se naziv fakulteta, tako da umjesto "Fakultet zdravstvenih nauka" sada stoji "Fakultet za medicinu, farmaciju i zdravstvo".

Član 8.

Na obrascu PMT, koji je sastavni dio ovih pravila, riječi „Vijeću za postdiplomske i doktorske studije“ se zamjenjuju riječima „Naučnonastavnom vijeću“.

Član 9.

Ove izmjene pravila stupaju na snagu danom odobravanja od strane Upravnog odbora.

Ove izmjene pravila objaviće se na oglasnoj tabli i veb-stranici Univerziteta.

REKTOR
Prof. dr Mirko Kulić